

浪穹縣志畧

浪穹縣志畧

浪穹縣志畧卷三

知縣周 沆纂輯

建置志

沿革

山川亘古不易也至其為郡為縣或分或合則各度
其地之險夷時之難易而因之革之以制其宜焉者
爾我

朝統馭區夏規畫寶超千古而已往興廢之迹則考古
者所不能已於蒐羅也志沿革

〔漢書地理志〕益州郡牁榆越雋郡青蛉

謹按浪穹寧湖以南與太和鄧川界者隸樸榆寧湖以北與雲龍劍川界者隸青蛉迄三國晉宋齊

梁俱無
改易

〔資治通鑑〕則天后永昌元年浪穹州酋首傍時昔等二十五部先附吐蕃至是來降以傍時昔為浪穹州刺史令統其衆

謹按浪穹唐屬姚州都督其為何州無考蓋自梁陳以來已為蠻有久矣

〔唐書南蠻傳〕浪穹詔其主豐時死子羅鐸立羅鐸死子鐸羅望立為浪穹州刺史與南詔戰不勝繫其部保

劍川更稱劍浪

〔唐元宗勅浪穹州刺史鐸羅望詔〕姚州管内大酋長那

旁時嫡孫鐸羅望卿之先祖輸忠奉國遽聞殂逝深
慘於懷言念邊人必借撫綏又逼蕃界兼資鎮遏卿
宜繼承先業以副朕心故遣宿衛首領王白於姚州
都督達奚守珪計會就彼弔慰授卿襲浪穹州刺史
並賜綾三百疋至宜領取秋中已涼卿及首領以下
並平安好遣指不多及

謹按浪穹詔主豐時通鑑則為旁時昔唐敕又云
那旁時所紀互異考之樊綽蠻書及月仇寬南詔
世家其為
豐時無異

〔元史地理志〕貞元中南詔破劍浪以浪穹施浪澄賧總
三浪為浪穹州

〔又〕元憲宗七年内附立浪穹千戶隸大理上萬戶至元
十一年降為縣隸鄧川州

〔明史地理志〕洪武十五年三月置鳳羽縣屬鄧川州尋
省入縣

謹按蒙氏先置鳳
羽縣段氏因之

〔舊雲南通志〕康熙二十六年裁大理衛分境屯賦並縣
後改隸本府

浪穹縣建置沿革表

[illegible]

城池

國家修城鑿池所以衛民也雖在偏隅亦必有以資
保聚者焉然而有形之險固為可恃曷若進鋤耨棘
矜之民而結之以恩教之以義庶幾衆志成城云爾
志城池

縣城〔舊雲南通志〕舊無城明萬歷三年知縣李之一
始築土城周二里三分高一丈一尺〔大理府志〕二十
四年知縣王承欽毀西門設下北門無池東面寧湖
四門各有樓〔舊志〕國朝康熙二十一年攝縣事通
判黃元治增修歲久傾圯雍正八年知縣張坦重修

〔舊雲南通志〕乾隆三年知縣吳福展增修並增建城樓三十五年寧湖水漲東南北三面城垣及東北面城樓俱被水衝圯四十四年知縣蘇梧捐修仍如舊制嘉慶八年十一年十三年疊被水災東南北三面城牆及東北二城樓復圯俱經通詳列入緩修案內尚未修復〔舊志〕道光十四五年南北兩樓先後傾圯二十二年知縣樊肇新葺南門〔案冊〕咸豐六年兵燹逆回據城將基址全行夷毀光緒二年知縣曹廷銓籌款重修東門城樓題曰寅賓門

公署

公署之設亦以肅體統出政令也居之者當思何以敬君命重民生以稱其職焉若僅視為傳舍則左矣至倉獄考棚演武廳皆得連類以附之志公署

知縣署〔舊志〕初在北門外潁州巷〔舊雲南通志〕洪武

十七年知縣金文舉遷建於城內枕北向南廳堂廡

宇皆備〔大理府志〕萬厯癸巳歲知縣王承欽條議詳

允改為東向崇禎甲申歲大堂焚燬順寧府通判謝

天祿來攝縣事出資建〔舊雲南通志〕國朝康熙二

十五年知縣趙拱雍正五年知縣張坦繼修〔舊志〕至

嘉慶十二三年水患傾圮經署縣陳煒知縣熊夢占
先後詳請借廉修理道光十八年地震坍塌損壞太
小屋宇六十四間照壁一座十九年知縣樊肇新詳
請借廉修理〔案冊〕咸豐六年兵燹盡行毀壞同治十
二年知縣謝聯慶籌款重修仍如舊制

教諭訓導署〔舊雲南通志〕在聖宮兩旁久圮今教諭
借居明倫堂訓導借居民房

典史署〔舊雲南通志〕在縣署左久圮今借居民房

汛防外委署〔舊雲南通志〕在縣署東〔舊志〕在分司本
編審行臺道光十三年外委沙榮陞就分司南界起

蓋門庫樓房畧備咸豐六年兵燹毀壞至今未修現

借居民房

縣監獄 [舊志]在南科房後嘉慶十三年水淹塌道光十九年知縣樊肇新詳請動帑修理[案冊]咸豐六年兵燹毀壞光緒二年知縣曹廷銓籌款重修監房一所更房更道圍牆俱備

土地祠 [舊志]在縣署大門內[案冊]咸豐六年兵燹焚毀光緒九年知縣陳文錦重修

案牘祠 [舊志]在縣署大堂左[案冊]咸豐六年兵燹焚毀光緒九年知縣陳文錦重修

倉神祠 [舊志] 在常平倉側咸豐六年兵燹焚毀未修

常平倉 [舊志] 在縣署左道光十九年知縣樊肇新詳

請修建計八廩十四間 [案冊] 咸豐六年兵燹焚毀光緒二年知縣曹廷銓重修一廩計三間

積穀倉 在縣署右 [案冊] 光緒十六年知縣王墀詳請

修建 [又] 光緒二十六年知縣周之瑞詳請添設一倉

南鄉積穀倉 在鳳羽街 [案冊] 光緒十七年知縣王墀

詳請修建

西鄉積穀倉 在葭塲 [案冊] 光緒十八年知縣王墀詳

請修建 [又] 光緒二十九年知縣周沆詳請於鍊鐵街

添建一倉

北鄉積穀倉

在鵝墩村〔案冊〕光緒十八年知縣王墀

詳請修建

東鄉積穀倉

在長營村〔案冊〕光緒十七年知縣王墀

詳請修建〔又〕光緒二十九年知縣周沅詳請添建一

倉

考棚

在縣署左〔案冊〕光緒十七年知縣王墀籌款修

演武廳

在南城外里許〔案冊〕光緒二十八年知縣房

星東籌款修

三營公館

〔舊志〕在三營街屋宇已廢其址尚存有碑

應山鋪公館

〔舊志〕在應山鋪塘知縣甘東暘縣丞尹

之訓建今廢

巡檢司公館

〔舊志〕在黑漢廠北久為沙水冲壓今廢

養濟院

〔舊雲南通志〕在縣署東〔舊志〕在城隍廟左明

萬歷壬子年知縣吳嘉麒修復廢

國朝康熙二十

五年知縣趙之蘭重修嘉慶八年被水淹圯道光二

十年知縣樊肇新起蓋平房三間〔案冊〕咸豐六年兵

燹焚毀光緒七年官紳重建城隍廟仍即舊址修復

關哨塘鋪

關哨塘鋪之制即周官司險野廬氏所掌也其責在詰奸究通文報我

朝著為定制區畫尤密即下邑僻陋必詳必備茲就境內額設者彙載之俾有以考成規資佐治云爾志關哨塘鋪

關

羅坪關 一統志在城西四十里舊雲南通志在城西南六十里通雲龍州界大理府志即鳥弔山也高際雲霄東鳳羽鄉西上下兩江嘴雲龍州要路其間幽